

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo poljoprivrede,
šumarstva i vodoprivrede

Broj: 04/1-30-019851-5/20
Tuzla, 19.11.2020. godine

Na osnovu člana 71. Zakona o državnoj službi u Tuzlanskom kantonu ("Službene novine Tuzlanskog kantona", broj: 7/17, 10/17, 10/18 i 14/18), a u vezi sa Pravilnikom o unutrašnjoj organizaciji Ministarstva poljoprivrede, šumarstva i vodoprivrede, broj: 04/1-34-016114-3/17 od 04.07.2017. godine, na koji je Vlada Tuzlanskog kantona dala saglasnost Odlukom, broj: 02/1-34-16114-1/17 od 10.07.2017. godine, broj: 04/1-34-25884/17 od 12.10.2017. godine, na koji je Vlada Tuzlanskog kantona dala saglasnost Odlukom, broj: 02/1-34-25884/17 od 12.12.2017. godine, broj: 04/1-14-024946/19 od 27.11.2019. godine, na koji je Vlada Tuzlanskog kantona dala saglasnost Odlukom, broj: 02/1-34-24946/19 od 10.12.2019. godine i broj: 04/1-34-026760/19 od 20.12.2019. godine, na koji je Vlada Tuzlanskog kantona dala saglasnost Odlukom, broj: 02/1-34-26760/19 od 30.12.2019. godine, Ministar poljoprivrede, šumarstva i vodoprivrede donosi

ODLUKU
o poništavanju internog oglasa

I

Poništava se Interni oglas za popunu upražnjenog radnog mjesta, odnosno prijem namještenika u radni odnos na neodređeno vrijeme, na radno mjesto "**viši referent – vozač motornog vozila**" u Ministarstvu poljoprivrede, šumarstva i vodoprivrede, Odjeljenje vodoprivrede, šumarstva i ekonomsko – finansijskih i općih poslova, Odsjek ekonomsko – finansijskih i općih poslova, 1 izvršilac, objavljen na Oglasnoj ploči Ministarstva poljoprivrede, šumarstva i vodoprivrede, dana 03.11.2020. godine, na web stranici Vlade Tuzlanskog kantona i na oglasnim pločama svih organa državne službe na području Tuzlanskog kantona.

II

Ova Odluka stupa na snagu danom donošenja.

O b r a z l o ž e n j e

Pravilnikom o unutrašnjoj organizaciji Ministarstva poljoprivrede, šumarstva i vodoprivrede sistematizirano je radno mjesto višeg referenta – vozača motornog vozila, dva

(2) izvršioca, sa uvjetima bliže navedenim kao u istom.

Članom 71. Zakona o državnoj službi u Tuzlanskom kantonu propisano je da o prijemu namještenika u radni odnos odlučuje rukovoditelj organa državne službe u skladu sa potrebom za potpunom upražnjenog radnog mjesta namještenika utvrđenog pravilnikom o unutrašnjoj organizaciji.

U skladu sa odredbama Zakona o državnoj službi u Tuzlanskom kantonu, kao i u vezi sa odredbama Pravilnika o unutrašnjoj organizaciji Ministarstva poljoprivrede, šumarstva i vodoprivrede, a imajući u vidu da je radno mjesto višeg referenta – vozača motornog vozila popunjeno samo sa jednim izvršiocom, da je u pogledu drugog izvršioca upražnjeno, kao i da postoji potreba za potpunom istog, utvrđen je tekst Internog oglasa, isti je objavljen u skladu sa propisima iz oblasti radnopravnih odnosa, odnosno isti je objavljen na oglasnoj ploči Ministarstva, na web stranici Vlade Tuzlanskog kantona i na oglasnim pločama svih organa državne službe na području Tuzlanskog kantona.

Nakon što je istekao rok za podnošenje prijave na Interni oglas, shodno odredbama Zakona o državnoj službi u Tuzlanskom kantonu i Pravilnika o radnim odnosima u Ministarstvu poljoprivrede, šumarstva i vodoprivrede, ministar je Rješenjem, broj: 04/1-30-019851-3/20 od 18.11.2020. godine imenovao tročlanu komisiju za provedbu Internog oglasa, sa zadatkom da ista izvrši uvid u podnesene prijave i priloženu dokumentaciju, razmotri prijave, sačini listu kandidata koji ispunjavaju uvjete Internog oglasa, utvrdi listu kandidata koji ne ispunjavaju uvjete Internog oglasa, sačini zapisnik, te o svemu upozna ministra, kao rukovoditelja organa državne službe. Komisija je dana 18.11.2020. godine, izvršila otvaranje pristiglih prijava, izvršila uvid u priloženu dokumentaciju, o svemu sačinila Zapisnik, broj: 04/1-30-019851-4/20, u kojem je konstatovala da je na Interni oglas pristigla samo jedna prijava i to prijava Elvedina Salihovića iz Tinje, grad Srebrenik, da je ista blagovremena, uredna i potpuna, kao i da je Komisija u navedenom Zapisniku utvrdila Listu kandidata koji ispunjavaju uvjete Internog oglasa i o istoj upoznala ministra.

Nakon što je ministar izvršio uvid u naprijed navedeni Zapisnik, odnosno listu kandidata koji ispunjavaju uvjete Internog oglasa, uvidio da se je na Interni oglas prijavio samo jedan kandidat, isti je utvrdio da na taj način nije i ne može biti osigurana *potrebna i kvalitetna konkurentnost kandidata za navedeno radno mjesto, te ocijenio svrsishodnim da se pristupi poništavanju navedenog Internog oglasa.*

Na osnovu naprijed navedenog, odlučeno je kao u izreci Odluke.

Dostavljeno:
11 x svim kantonalnim ministarstvima,
5 x gradovima (Tuzla, Živinice, Gračanica,
Gradačac i Srebrenik),



- 8 x općinama (Doboj Istok, Lukavac, Banovići, Kladanj, Kalesija, Čelić, Teočak i Sapna),
- 7 x općinskim sudovima (Banovići, Gračanica, Gradačac, Kalesija, Lukavac, Tuzla i Živinice),
- 1 x Kantonalni sud u Tuzli,
- 1 x Ured Premijera Tuzlanskog kantona,
- 1 x Ured Vlade Tuzlanskog kantona,
- 1 x Stručna služba Skupštine Tuzlanskog kantona,
- 1 x Ured za zajedničke poslove kantonalnih organa,
- 1 x Kantonalno tužiteljstvo Tuzlanskog kantona,
- 1 x Kantonalno pravobranilaštvo Tuzlanskog kantona,
- 1 x Kantonalna uprava za civilnu zaštitu,
- 1 x Kantonalna uprava za inspeksijske poslove,
- 1 x Kantonalni zavod za pružanje pravne pomoći,
- 1 x Pedagoški zavod,
- 1 x Evidencija,

1 x a/a

